

Rakgwebo o ahloletšwe mengwaga ye 5 bakeng sa bomenetša bja VAT

Tshwane, 6 Oktobore 2021 – Rakgwebo yo a dirišitšego ditlankana tša motšhelo ka bofora ka ditlhakantšho tša motšhelo wa dipoelogare le dipoelontle o golegilwe mengwaga ye methano thwii bakeng sa bomenetša mo bekeng.

Kgorotsheko ya Selete ya ka Bloemfontein e kwele gore Ntabe Trading & Projects CC le Mrn. MJ Ntabe ba file di oditha tša Ditirelo tša Motšhelo tša Afrika Borwa (SARS) ditokumente tša thekgo tša go fošagala go tiišetša ditlhakantšho tša VAT.

Lekala la Oditi la SARS le dirile dikelo tša tlaleletšo, tšeo di feleleditšego ka palo ya tekanyetšo ya R1-million go SARS. Kgwebo ya go Tswalelwa e ile ya se sa šoma gomme Mrn. Ntabe o ile a latofatšwa gomme o ipone molato.

Go dipalo tše 21 tša bomenetša Mrn MJ Ntabe o ile a ahlolelwa mengwaga ye 8 kgolegong yeo ebilego gore mengwaga ye 3 e be e fegilwe sebaka sa mengwaga ye 5 mo mabakeng ao molatofatšwa ga a latofatšwa ka bomenetša bjo bo dirilwego ka nako ya phego.

Khomišinare wa SARS Mrn. Edward Kieswetter o lemogile ka matshwenyego bomenetša bja VAT bjo bo bego bo tšwelapele sebaka se se telele. “Go na le dikhamphani tšeo di dirilwego bakeng sa morero wa go radia SARS. Kahlolelo ye ya kgolego thwii e swanetše go romela molaetša wa go hleka wa gore SARS e na le bokgoni bja go latediša bomenetša le go lefiša dikotlo tša godimo go basenyi”. Ka go šomišana le ba bangwe ba tiišetšo ya molao, SARS e tla tšwelapele go tlhokofatša bao ba tšwelago pele ka bosenyi bjo.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za